



Լուսամուտին կարմիր խնձոր շարել են

Վարդավառը գալիս ա,
Լուսամուտին կարմիր խնձոր շարել են, շարել են:
Ծաղիկը ցնծալիս ա,
Տո՛, շան տղա, քեզնից լավին ճարել են, ճարել են:

Վարդ են քաղել մաղերով,
Լուսամուտին կարմիր խնձոր շարել են, շարել են:
Վեր են դրել շաղերով,
Տո՛, շան տղա, քեզնից լավին ճարել են, ճարել են:

Խնձոր ես ծառի վրա,
Լուսամուտին կարմիր խնձոր շարել են, շարել են:
Ծաղիկ ես սարի վրա,
Տո՛, շան տղա, քեզնից լավին ճարել են, ճարել են:

Ծառի կանաչ տերևը,
Լուսամուտին կարմիր խնձոր շարել են, շարել են:
Յարիս թել, թել մագերը,
Տո՛, շան տղա, քեզնից լավին ճարել են, ճարել են:

Կապուտ էր մանուշակը,
Լուսամուտին կարմիր խնձոր շարել են, շարել են:
Բուսել է քարի տակը,
Տո՛, շան տղա, քեզնից լավին ճարել են, ճարել են:

